



LETTRES PA-
TENTES PAR LES-
QUELLES LE ROY REMET,
& restablit les Iustices & Iurisdic-
tions de Chartres, cy deuant
transferees à Bonneual.



A TOVRS,
Chez Iamet Mettayer Imprimeur
ordinaire du Roy.
M. D. XCI.





ENRY PAR LA GRACE
DE DIEV ROY DE
FRANCE ET DE NA-
VARRE. A tous pre-

sens & aduenir, Salut : Comme à
l'occasion de ce que nostre ville de
Chartres estoit detenue, & occupee
par les rebelles, contre l'auctorité
du feu Roy, nostre tref-honnoré
Seigneur & frere, & de nous, & de
la rebellion des habitans d'icelle.
N o u s ensuyuant les Eediets &
Declarations faictes contre les re-
belles de nostre Royaumes, Auriõs
par nos lettres patentes, en forme
de chartre, dõnees à Tours au mois
d'Octobre mil cinq cens quatre
vingts & neuf, transferé les Iusti-
ces & Iurisdiction de nostredicte
ville de Chartres, en la ville de Bon-

A ij

neual, & par meſme moyen y au-
rions fait reſſortir les cinq Baron-
nies du Perche gouet, qui reſortif-
ſoient cy deuant au ſiege particu-
lier du Bailliage d'Orleans, eſtably
à Yenuille, & par appel au ſiege
preſidial dudiſt Chartres, Laquelle
noſtre dite ville de Chartres eſtant
à preſent en noſtre obeiſſance, &
nous ayans leſdits habitans d'icelle
preſté le ſerment de fidelité, vou-
lans auſſi y reſtablir & remettre leſ-
dictes Juſtices & Iuriſdictiōs. Nous
POVR CES CAUSES, & autres à
ce nous mouuans, Auons remis &
reſtably, & de nos grace ſpecialle,
plaine puiſſance & auctoriſté Royal
remettōs & reſtablifsōs par ces pre-
ſentes, leſdictes Juſtices & Iuriſdi-
ctions de noſtre dite ville de Char-

tres , en icelle nostredicte ville de Chartres pour y estre tenues & exercees, comme elles y estoient auparavant par noz officiers desdictes Iustices & Iurisdicções dudiect Chartres, Comme aussi voulons , entendons , & nous plaist , lesdictes Iustices & Iurisdicções desdictes cinq Baronnies du Perche gouery ressortir nuement & immediatement , ainsi qu'elles souloient cy deuant audiect siege d'Yenuille , Et à ceste fin nous auons reuoqué & reuoquons tant nos lettres patentes de translation de Iustices audit Bôneual , que tous autres Edicts, Declarations, Arrests , Lettres & choses à ce contraires: Enioignons à tous nos Officiers, Greffiers, Aduocats , Procureurs desdictes Iurisdic-

ctions, qui s'estoyent transportez en ladite ville de Bôneual, se retirer & rendre en nostredite ville de Chartres, pour y exercer leurs offices & charges. SI DONNONS EN MANDEMENT A noz amez & feaux Conseillers, les genstenans nostre Cour de Parlement à Tours, que ces presentes ils facent lire, publier & enregistrer, & le contenu garder, observer & entretenir, sans souffrir qu'il y soit aucunement contreue- nu, Car tel est nostre plaisir, Et afin que ce soit chose ferme & stable à tousiours, Nous auons fait mettre nostre seal à celsdictes presentes, sauf en autre chose nostre droict & l'autrui en toutes. Donné à Chartres ou mois d'Auril l'an de grace mil cinq cens quatre vingts & vnze,

Et de nostre regne le deuxiesme, signé sur le reply, Par le Roy en son Conseil, Forget, & à costé est escrit Visa, & au dessous Contentor, signé Bernard, & seellé sur double queue du grand seel de cire verde, pendant à lacs de soye rouge & verte.

*Leues, publices & registrees, ouy & ce
requerant le Procureur general du Roy,
A Tours en Parlement le vingtiesme
May mil cinq cens quatre vingts unze.*

Signé, TARDIEV.

